



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

XXIV. Pharaonis submersio.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

NAR. XXIV.

PHARAONIS ÆGYPTIJ

REGIS CUM EXERCITU SUO, IN MARI

Rubro submersio : Israëliitarum per illud sic-  
cus transitus.

Exodi 14. A. M. 2544. Ante Christum 1509.

**I**dem qui ceram liquat Sol , lutum indurat , ex-  
fugendo humorem , quo priùs mollebatur. Eo-  
dem panè modo cor hominis indurat DEUS ,  
ubi sceleratis subtrahit gratiæ rorem quo bonos af-  
pergit. Induratum cor Pharaonis probavit DEUS ,  
si vel effuso mari integro posset emolliri. Et hæc  
postrema restat dicenda , omniumque gravissima  
Ægyptiorum plaga , & funestissimus tragœdiæ exitus.  
Cum jam nihil esset , quod moraretur Heb-  
ræos , Ægyptijs insuper impellentibus , dant se in vi-  
am. Agmina prima puerorum erant , ac mulierum ,  
& senio confectorum. Millia deinde plusquam sex-  
centa , rubustorum in prælio virorum , qui quini  
per seriem & ordinem militarem incedebant. In  
medium agmen impedimenta receperant , in qui-  
bus & greges erant & armenta pecorum ac jumen-  
torum. Claudebat expeditionem promiscuæ mul-  
titudinis , servitorum , vernarum , & qui se volones  
ex Ægyptijs melioribus adjunxerant , exercitus in-  
numerabilis. Ad vicies centena millia , turbam  
omnem abeuntium ascendisse , non absurdè arbi-  
trantur doctiores. Exhibant autem lætissimi , quod  
à tergo suo nonaginta trium annorum durissimam  
ser-

servitutum relinquebant; à fronte verò, libertatis amplissimam sibi januam viderent apertam. Re-creabat imprimis oculos, animòsque nubes lucide densa, quam in columnæ quoddam altissimæ simulacrum erectam, ac principio statim profectio- nis divinitus præire jussam, Angelus itinerum moderator infidebat. Hæc de die quidem, lucis ac spissitudinis temperamentò; de nocte verò flammante fulgore, conspicuam se præstabat. Eâ proinde columnâ, sed magis Angelò, Deòque ducibus, non rectâ viâ Palæstinam petebant, cum nollet DEUS, præliorum minùs, quàm flagellorum scientem populum, Philistæorum bellicosæ gentis occursum pro- teri, sed eos, per ambages, & loca deserta, retrosum expeditione flexa, circumduxit.

Tertiò, postquam profectio- nem iniverant, die Pharaò per explorationes compertò, non id ab Hebræis agi, ut Numini suo litent, sed ut occultâ se fugâ dominis subducant, indignatus suæmet, quâ tam inconsideratè multitudinem tantam dimisisset, indulgentiæ, quidquid virium per summam celeritatem contrahere potuit, contraxit, & adversum fugientes eduxit; In cetero terrore quadrigarum rotarumque fomidabilium, erant sextenti falcati currus; ex his gladij prominebant & hastæ, crudeliter occurrantes laceraturæ. Iosepho teste, scutu- ti Ægyptiorum pedites ducenta millia, equites quin- quaginta millia impleverunt.

Sextus ibat à suscepta profectio- ne gentis Hebrææ dies; quo die stabant hi quidem, columnâ nubis antistite, supra rubri maris oram, subjectos insani fre- ti fluctus, oculis, ac mente futurorum incertâ, de- spe-

spectantes, Rex autem, & Ægyptus armata, cum  
 in fugitivorum tergis hærent; ingensque omnium  
 pavor, & adversum Mosen exoptulationes orirentur,  
 Angelus se in columna nubis, medium inter  
 Hebræorum terga, frontemque barbarorum inse-  
 quentium collocavit; illos quidem, longè latèque  
 fuso lumine antrorsum illustrans, ut certo vestigio  
 graderentur; in hos verò tenebras à columnæ dor-  
 so spargens, & spissæ caliginis interpositu, fulgu-  
 rumque terroribus viam præpediens. Ibi tum Mo-  
 ses, cum prius ad mittendum conceptum pavorem,  
 & ponendam in DEO fiduciam suos adhortatus fu-  
 isset, manum, quâ solitam sibi virgam tenebat, su-  
 per Erythraei maris æquor extendit; quod continuò  
 in geminum latus discedens, utrinque se, murorum  
 in formam & altitudinem erexit, undisque sublimè  
 suspensis, siccam transeuntibus Israëlitis viam pan-  
 dit; trepidantem multitudinem præeunte *Mose*; mox  
*Aminadabo* Iudææ tribus principe, cæterisque ho-  
 rum exemplò certatim subsequenter; quos dum  
 caliginosæ nubis protectione munitos insequuntur  
 hostes; & alij Hebræorum in litus evadunt; alij  
 pendentes inter gurgitum montes viribus summis,  
 ne vel à fluctibus coeuntibus, vel ab imminente  
 cervicibus Pharaone intercipientur, effugium in-  
 tendunt; alijs, num pergerent fugientes, an potiùs  
 ultro se Pharaoni dederent, ambigentibus; ecce ti-  
 bi è columna nubis Angelus, medias inrer tenebras,  
 quas Ægyptijs opposuerat, terribilem formam, &  
 mortali quacunque specie venerabiliorem oris ma-  
 jestatem indutus, minacibus primùm ac flamman-  
 tibus oculis perstringere cœpit hostem; mox con-  
 glo

globatis spiffiffimis undequaque nubibus : & infra quidem fremente mari, superius autem æthere tonante, crebri fulminum, ignitorumque telorum ac lapidum jactus in hostica spargebantur ora, tempestatem horribilem intorquente, castrorum, quem dixi, Angelo mirificæ nubis inessore. Strages erat unà viroꝝ, equoꝝ, curruum falcatorum, ac militarium quadrigarum. Feriri fulminibus equites, pedites, jumenta, tela: subverti currus, & in frustra dissilire rotæ. Clamor interim, & increpatio, Pharaonis; ringentis victoriam turbari sibi. Clamor invicem & ducum ac bellatorum; Pharaonis irritum imperium esse, vociferantium, & ad fugam potius ac receptum, quàm ad pugnam mutuò sese cohortantium, DEUM enim cœli bella gerere profuis Hebræis. Jamque pergentibus alijs ad imperata regis exsequenda, plerisque verò regressum in littus Ægyptium urgentibus; inter se studijs ac vijs diversis impliciti, nec quid agerent, ommitterent, nec quorsum viam intenderent, Ægyptij certum habebant: pergentibus interim, ac summa celeritate nitentibus in littus extremum Israëlitarum rediis. Pharaonem, tandem ipsum cœlum, mare, strages exercitûs, ac victoriæ desperatio compulerunt in fugam. Sed hanc interclusurus DEUS, in medio recedendi furore, mandat Mosi: virgam suam pastoritiam ac manum, super undas explicaret: quaque via se reciperent Ægyptiarum legionum reliquæ; fluctibus utrinque stantibus missionem daret, ac reditum in locum suum. Id exsecutus Moses, sub ipsum surgentis solis ortum, Pharaoni cum suis omnibus induxit occasum. Recurrentibus enim,

nim, quã fugiebant illi, conjunctisque denuo fluctibus; Canchres Rex, & quotquot tempestas cœlestis reliquos fecerat, cum omnibus bellici furoris instrumentis, apparatusque, sepulti sunt, Arabici finis voragine, ne nuntiò quidem tantæ cladis superstitite emergente. Hebræi enatantia cadavera læti spoliârunt, armatique detractis, quæ proxima nocte formidârant, telis, salutem ex inimicis induerunt; loricas illas, & galeas, ac thoraces ferreos in sui tegumenta vertentes, quæ fornaces olim Ægyptiæ procuderant in eorum exitum. Secutum est epinicium, Mose quidem viris, *Mariã* vero Mose forore, suo sexui præcinentibus. Hic finis Cenchræ fuit Pharaonis; Regis quondam Ægyptiorum; exagitatoris Hebræorum; contemptoris magni DEI; ludificatoris divinæ voluntatis; contumacium omnium exempli singularis; & hodie Tartaræ fornacis incolæ: cujus ille sempiternos ad ignes, descendit, Ægypto comite, medias per undas. Enimverò sentit nunc, qualem lacefferit Dominum. Jacet æternum perditus, & cum illo jacebunt, quicumque putant, se posse illudete Divis.

NAR. XXV.

ISRAELITARUM  
PROFECTIO PER  
DESERTUM, ET MIRABILIA DEI IN  
EOS BENEFICIA.

Exodi 15. 16 17. Anno M. 2544. ante Ch 1509.

Anno primo ab exitu ex Ægypto.

For-